



Broj: 01-146/21
Vareš, 29.07. 2021. godine

Na osnovu člana 363. stav 1. i 2. Zakona o stvarnim pravima Federacije BiH („Sl.novine FBiH“, broj: 66/13 i 100/13), člana 2. i 3. stav 1. tačka c), Pravilnika o postupku javnog konkursa za raspolaganje nekretninama u vlasništvu Federacije Bosne i Hercegovine, kantona, gradova i općina („Sl.novine FBiH“, broj: 17/14) i člana 22. tačka 7. Statuta Općine Vareš (prečišćeni tekst), broj: 01-162/12 od 11.09.2012. godine, Općinsko vijeće Vareš, na 7. sjednici održanoj 29.07. 2021. godine, d o n o s i

ODLUKU
o načinu i uslovima raspolaganja nekretninama
u vlasništvu Općine Vareš

Član 1.

Pod uslovima i na način propisan ovom Odlukom sprovest će se javnim nadmetanjem-licitacijom (u daljem tekstu: licitacija), javna prodaja nekretnina :

I. Stambena jedinica u ulici Nikovac broj 50, Vareš označena kao :

k.č 564/EU1J8 na kojoj je izgrađena zgrada „Stambena zgrada“ upisana u zemljišno-knjižni uložak, broj: 1813 k.o. Vareš, k.o. Vareš, površine 39 m², upisana u vlasništvo Općine Vareš i posjed u korist Općine Vareš sa 1/1 , sa izgrađenim stambenom jedinicom koja se sastoji od : ulazni holl,kupatilo,kuhinja,ostava,soba.

II. Stambena jedinica u ulici Nikovac broj 37, Vareš označena kao :

k.č 589/EJ3 na kojoj je izgrađena zgrada „ Montažna“ upisana u zemljišno-knjižni uložak broj: 3841 k.o Vareš, površine 31 m² upisana u vlasništvo Općine Vareš i posjed u korist Općine Vareš sa 1/1 , sa izgrađenim stambenom jedinicom koja se sastoji od : ostave (3).

III. Stambena jedinica u ulici Nikovac broj 39, Vareš označena kao :

k.č 589/EJ4 na kojoj je izgrađena zgrada „Montažna“ upisana u zemljišno-knjižni uložak broj : 3842 k.o Vareš , površine 29 m² upisana u vlasništvo Općine Vareš i posjed u korist Općine Vareš sa 1/1 , sa izgrađenim stambenom jedinicom koja se sastoji od : ulazni holl, kupatilo, dnevni boravak ,kuhinja.

Član 2.

Kriterij za izbor najpovoljnijeg ponuđača jeste najviša ponuđena kupoprodajna cijena za nekretninu označene u Članu 1. ove Odluke.

Početna prodajna cijena nekretnina navedenih u Članu 1 .ove Odluke iznosi:

- Tačka I stambena jedinica Nikovac broj 50 iznosi : 20. 514,00 KM
- Tačka II stambena jedinica u ulici Nikovac broj 37 iznosi : 5.425,00 KM
- Tačka III stambena jednica u ulici Nikovac broj 39 iznosi : 15. 312,00 KM , određen

u skladu sa izvršenom procjenom ovlaštenog sudskog vještaka iz oblasti građevinarstva, kao trenutnoj tržišnoj vrijednosti.

Član 3.

Za učešće u postupku licitacije svi učesnici javnog konkursa su dužni uplatiti kaparu-depozit u iznosu od 10% od početne cijene, odnosno iznos od:

- Tačka I u iznosu od 2.051,40 KM
- Tačka II u iznosu od 542,50 KM
- Tačka III u iznosu od 1.531,20 KM

određenu u skladu sa odredbama člana 5. tačke c) Pravilnika o postupku javnog konkursa za raspolaganje nekretninama u vlasništvu Federacije Bosne i Hercegovine, kantona, gradova i općina („Sl.novine FBiH“, broj: 17/14), prije početka licitiranog postupka, na žiro račun Općine Vareš, broj: 3380002210017420 koji se vodi kod Uni-Credit Bank – Filijala Vareš, vrsta prihoda: 723139, šifra Općine 096, sa naznakom uplata kapare-depozita za učešće u licitaciji, o čemu će Komisiji, uz prijavu za učestvovanje na licitaciji, priložiti i dokaz o izvršenoj uplati.

Učesniku licitacije čija ponuda bude izabrana kao najpovoljnija, uplaćeni iznos će se uračunati u kupoprodajnu cijenu nekretnine.

Ukoliko učesnik licitacije čija ponuda bude izabrana kao najpovoljnija, odustane iz bilo kojeg razloga od ponude i od zaključenja ugovora o kupoprodaji, gubi pravo na povrat uplaćene kapare-depozita.

Učesniku licitacije koji ne bude izabran kao najpovoljniji, izvršit će se povrat uplaćene kapare-depozita u roku od 8 dana od dana zaključenja postupka javnog nadmetanja-licitacije.

Pravne i fizičke osobe koje nisu položile kaparu-depozit u iznosu od 10% od početne cijene, ne učestvuju u licitaciji.

Član 4.

Kupoprodajnu cijenu izlicitirane nekretnine učesnik licitacije koji je proglašen najuspješnijim, sa kojim će se zaključiti ugovor o kupoprodaji, obavezan je uplatiti cjelokupan iznos kupoprodajne cijene umanjen za iznos uplaćene kapare-depozita u roku od 7 dana, od dana kada ga prodavac pozove da to učini.

Ako najpovoljniji ponuđač ne uplati preostali iznos u roku od 7 dana kada ga je prodavac pozvao da to učini, smatra će se da je odustao od kupovine, te gubi pravo na povrat uplaćenog iznosa kapare od 10%, a prodaja će se smatrati neuspješnom.

Uplatom kupoprodajne cijene, umanjene za iznos kapare-depozita u roku iz stava (1) ovog člana, Općinski načelnik će sa kupcem zaključiti ugovor o kupoprodaji koji mora biti notarski obrađen, uz prethodno pribavljanje mišljenja pravobranioca.

Predaja nekretnine u posjed kupcu izvršit će se nakon uplate cjelokupnog iznosa kupoprodajne cijene.

Član 5.

Postupak licitacije nekretnine, označene u članu 1. ove Odluke, provest će Komisija za provođenje javnog nadmetanja-licitacije za prodaju nekretnine, imenovana od strane Općinskog vijeća, u skladu sa Pravilnikom o postupku javnog konkursa za raspolaganje nekretninama u vlasništvu Federacije BiH, kantona, općina i gradova („Sl.novine FBiH“, broj: 17/14), ovom Odlukom i Javnim oglasom o prodaji nekretnine.

Član 6.

Ovlašćuje se Općinski načelnik da tekst Javnog oglasa o prodaji nekretnina, označenih u članu 1. ove Odluke, objavi u dnevnom listu „Oslobođenje“, na oglasnoj tabli Općine Vareš i na internet stranici Općine Vareš.

Član 7.

Javni oglas o prodaji nekretnina iz člana 1. ove Odluke, uslove prodaje, podatke o nekretninama, dan, sat i mjesto održavanja licitacije, vrijeme i način razgledanja nekretnina koje su predmet licitacije, uvid u dokumentaciju o nekretninama, utvrdit će Komisija iz člana 5. ove Odluke.

Član 8.

Troškove izrade notarske obrade ugovora o kupoprodaji, takse za uknjižbu i sve ostale troškove koji se odnose na postupak kupoprodaje snosi kupac, dok porez na promet snosi prodavac.

Član 9.

Ova Odluka stupa na snagu osmog dana od dana objavljivanja na oglasnoj tabli Općine Vareš.

**PREDSJEDAVAJUĆI
OPĆINSKOG VIJEĆA**

Mahira Brkić

Odluka objavljena na oglasnoj tabli Općine Vareš, dana 30.07. 2021.godine.

OPĆINSKI NAČELNIK

Zdravko Marošević

O b r a z l o ž e n j e

Pravni osnov:

Članom 3. stav 1. tačka c) Pravilnika o postupku javnog konkursa za raspolaganje nekretninama u vlasništvu Federacije BiH, kantona, općina i gradova („Sl.novine FBiH“, broj 17/14), a u vezi sa članom 363. stav 1. i 2. Zakona o stvarnim pravima FBiH („Sl.novine FBiH“, broj 66/13 i 100/13), propisano je da „Odluku o načinu i uslovima raspolaganja nekretnina u vlasništvu gradova i općina, donosi Gradsko, odnosno Općinsko vijeće na prijedlog Općinskog načelnika, odnosno Gradonačelnika grada.“

Članom 22. tačka 7. Statuta Općine Vareš (prečišćeni tekst), broj: 01-162/12 od 11.09.2012. godine, propisano je da „Općinsko vijeće u okviru svoje nadležnosti donosi odluke o upravljanju i raspolaganju općinskom imovinom.“

Obrazloženje:

Na zahtjev Općinskog načelnika, dostavljena je Procjena tržišne vrijednosti stambeni jedinica

- I. Stambena jedinica u ulici Nikovac broj 50, Vareš

- II. Stambena jedinica u ulici Nikovac broj 37, Vareš

- III Stambena jedinica u ulici Nikovac broj 39, Vareš

od 15.06.2021.godine, od strane ovlaštenog stalnog Sudskog vještaka iz oblasti građevinarstva mr. sci. Lejle Spaho, dipl. ing.građevine, na osnovu koje je utvrđeno da je trenutna vrijednost ovih nekretnina:

- I stambena jedinica Nikovac broj 50 iznosi : 20. 514,00 KM

- II stambena jedinica u ulici Nikovac broj 37 iznosi : 5.425,00 KM

- III stambena jednica u ulici Nikovac broj 39 iznosi : 15. 312,00 KM

Obzirom da za kupovinu navedenih stambenih jedinica ima zainteresovanih lica, a u interesu Općine je stvaranje uslova za privredni razvoj, urađen je Prijedlog Odluke o prodaji.

Na ovaj način bila bi spriječena daljnja oštećenja, a koja bi dovela u pitanje i samu trenutnu vrijednost nekretnina koja je procijenjena dana 15.06.2021.godine.

Da bi se mogao objaviti Javni konkurs o prodaji nekretnina u sredstvima javnog informisanja, na osnovu naprijed navedenog, sačinjen je Prijedlog Odluke te predlažemo imo Općinskom vijeću da je usvoji u predloženom tekstu.

**PREDLAGAČ:
OPĆINSKI NAČELNIK**

Zdravko Marošević